

8

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

DEC 18 1961

鄭學五經後錄卷第三十

贊

會稽沈慶祠傳贊上

漢蘇先生

先生字子陵詳註一會稽餘姚人也少有高名

與光武同游學及帝即位乃更名隱而不

與帝居其質舍物志訪之莽問言有男子披

羊皮裘獨澤中帝疑先生乃論安車无繮遣

使聘之三反而後至帝駕幸其隱先生卧不

鄭峯真隱漫錄卷第三十三

哈佛大學漢和圖書館珍藏印

贊

會稽先賢祠傳贊上

高尚之士

白如漢嚴先生

先生字子陵

譚光一譚遵

會稽餘姚人少有高名

與光武同游學及帝即位乃變姓名隱而不

見帝思其賢令物色訪之齊國言有男子披

羊皮裘釣澤中帝疑先生乃備安車元纁遣

使聘之三反而後至車駕幸其館先生卧不

起帝即其卧所撫先生腹曰吐子陵不可
相助為理邪先生良久熟視曰昔唐堯著德
巢父洗耳士固有志何至相迫乎帝歎息而
去復引先生入論道故舊因共偃卧先生以
足加帝腹上明日太史奏客星犯御坐帝笑
曰朕故人嚴子陵共卧耳除為諫議大夫不
屈乃耕於富春山後人名其釣處為嚴陵瀨
年八十終於家事載後漢書逸民傳贊曰
採芝南山昔在園綺國有大疑投袂而起羊裘

澤中可止則止得聖之時遠希夫子

漢王先生

先生字仲任諱充會稽上虞人也少孤鄉里

稱孝後到京師受業太學師事扶風班叔皮
好博覽而不守章句家貧無書常游洛陽市
肆閱所賣書一見輒能誦憶遂博通眾流百
家之言後居鄉里屏居教授仕郡為功曹以
數諫諍不合去閉門潛思絕慶吊之禮戶牖
牆壁各置刀筆著論衡八十五篇二十餘

萬言友人同郡謝夷吾上書荐先生才學肅
宗特詔公車台病不行乃造養性書十六篇
裁節者慾願神自守永元中卒於家

事載後漢書列

傳贊曰

方寸如何納五車書孰知空洞可包太虛我觀
論衡經世所須先生之志豈曰隱居

漢袁先生

先生字正甫

諱志

汝南汝陽人與范孟博為

友同陷党獄得釋後為沛相乘輦車到官以

清亮稱及天下亂棄官客會稽上虞常乘船

戴笠蓋詣太守王朗相見郎僮從奢麗鄙之

即辭疾發而退

事載後漢書

贊曰

孟博傑士千載不朽欲知若人請觀其友奢麗
驕矜正直所醜尚想先生掩耳直走

漢桓先生

先生字文林

諱嚴

沛郡人克修志介

任為郡功曹後舉孝廉有道方正茂才三公

並辟皆不應初平中避地會稽住止山陰縣

故魯相鍾離子何舍太守王朗餉給糧食布
帛一無所受臨去之際屋中尺寸之物悉疏
付主人纖微不漏移居揚州從事居豫室中
庭橋寔熟乃以竹藩橋四面風吹落兩寔以
繩繫橋枝每當危亡之急其志彌固後浮海
客交趾越人化其節至閩里不為訟事載後漢書桓

春御贊曰

聖哲居齊嘗詳兼金先生拒餉孟氏之心我後
千載來游山陰清風律貪懷哉文林

魏嵇先生

先生字叔夜

詳康

其先會稽上虞人有奇才

而土木形骸不自藻飾人以為龍章鳳姿天

質自然恬靜寡欲好老莊常脩養性服食之

三事彈琴詠詩自足於懷著養生論所與久交

者惟陳留阮嗣宗河內山巨源豫其流者河

內向子期沛國劉伯倫嗣宗兄子仲容瑯琊

王濬仲遂為竹林之游世所謂竹林七賢也

先生嘗採藥遊山澤會其得意忽焉忘返汲

郡山中見孫公和遂從之游山巨源將去選官
舉先生自代先生乃與書告絕又換上古以
來高士為之傳贊欲友其人於千載也

事載晉書

三馬食槽將同祖龍中散人傑以直弗容採藥

山澤寄懷絲桐追配首陽萃乎高風

列贊曰晉孔先生自新稱人以為精章句也

先生字敬康諱愉會稽山陰人年十三而孤

養祖母以孝聞與同郡張偉康丁世康齊名

時人號曰會稽三康先生先生遷於洛惠帝

末東還會稽入新安山中改性孫氏以稼穡

讀書為務信著隣里後忽捨去皆謂之神人

而為之立祠東晉初仕至會稽內史封為不

亭侯在郡三年乃管山陰湖南侯山下數畝

地為宅草屋數間便棄官居之送資百萬悉

無所取事載晉書贊曰

我訪遺迹侯山之陰竹柏松栢百畝蕭森平湖

渺然鳧鷖飛沈匪濯我纓寔洗我心

晉虞先生

先生字仲宣 諱喜 會稽餘姚人少立操行博

學好古郡察孝廉舉秀才司徒辟皆不就懷

帝即位公車召拜博士不就大寧中復以博

士召下詔曰虞其潔靜其操歲寒不移研精

墳典居令行古志操足以厲俗博學足以明

道前雖不至其更以博士召之諱疾不就咸

康初詔以散騎常侍召之又不就凡所注述

數十萬言行於世 事載晉書 儒林傳 贊曰

鳳翔千仞下覽德輝公之終隱世與我違嗟

俗子突梯脂韋蕭然遠引寥廓高飛

晉阮先生

先生字思曠 諱裕 陳留尉氏人也以德業知

名咸和初除尚書郎去職居會稽剡縣司徒

王茂弘引為從事中郎固諱不就朝廷將欲

召之先生知不得已乃勉為王履明薨除吏

部不就即家拜臨海太守少時去職詔為秘

書監以疾辭復除東陽太守尋召為侍中不

就還剡山有肥遁之志有以問王逸少逸少
曰此公近不驚寵辱雖古之沈冥何以過此
先生嘗以事至京師事畢復還諸人進之不
及劉真長歎曰我入東正當泊安石渚下耳
不敢復近思曠傍在山東久之復召為散騎
常侍領國子祭酒俄而復以為金紫光祿大
夫領瑯琊王師經年敢逼並無所就先生終
日靜默無所脩綜而物自宗焉事載晉書
阮嗣宗傳贊
曰

王劉勝士下視一世獨於先生歛衽知畏靜默
冲虛超然無累尚友蜀莊其又奚媿

晉王先生

先生字逸少諱羲瑯琊人司徒茂弘之從子

也少有美譽朝廷公卿皆愛其才器為右軍
將軍會稽內史雅好服食養性不樂在京師
初度浙江便有終焉之志會稽有佳山水名
士多居之謝安石未仕時亦居焉孫興公李
弘度許掾支道林等皆以文義冠世並築室

東土與先生同好嘗與同志晏集於會稽山
陰之蘭亭先生自為之序以申其志後稱病
去郡於父母墓前自誓不仕與東土人士盡
山水之游弋釣為娛又與道士許叔玄共修
服食採藥石不遠千里徧游東中諸郡窮諸
名山泛滄海嘆曰我卒當以樂死終身不復
起事載晉贊曰
先生棄官如視土芥人亦有言旅竹之隘我獨
知之大易之介不俟終日於是乎在

晉謝先生

先生字安石諱安陽夏人寓居會稽與王逸

少許椽文道林游處出則漁弋山水入則言

詠屬文無處世意揚州刺史康季堅以先生

有重名必欲致之不得已赴召月餘求歸漢

除尚書瑯琊王友並不起吏部尚書范玄平

舉先生為吏部郎先生以書拒絕之有司奏

先生被召歷年不至禁錮終身遂棲止東土

常往臨安山中坐石室臨濬谷悠然歎曰此

亦伯夸何遠後仕至太保雖受朝寄然東山
之志始末不渝每形於顏色及鎮新城盡室
而行造汎海之莊欲須經畧粗定自江道還
東雅志未就而卒事載晉書列傳贊曰
先生在東若將終身晚乃強起談笑經綸酒杯
奕局坐清胡塵我觀東山非渭即莘

晉謝先生我意必阻魚心水人慎言
先生字慶緒諱敷會稽人也性澄靜寡欲入
太平山十餘年辟命皆不就初月犯少微一

名處士星占者以隱士當之譙國戴安道有
美才時人憂之俄而先生死故會稽人士以
嘲吳人云吳中高士求死不得死事載晉書
贊曰

先生避世考槃林泉身老且窮厥毅殷然史占
少微有爰在疆齊何憾知我者天

晉戴先生

先生字安道諱遠譙國人少博學好談論善
屬文能鼓琴工書畫其餘工藝靡不畢綜太

宰武陵王晞聞其善鼓琴使人召之先生對
使者破琴曰戴安道不為王門伶人居會稽
之剡溪縣性高潔常以禮度自處深以放達
為非孝武帝時以散騎侍郎國子博士累召
未辟以疾不就郡縣敦逼不已乃逃於吳會稽
內史謝幼度慮先生遠遁不返乃上疏請絕
其召命帝許之先生復還剡後召之復不至
事載晉書贊曰
隱逸傳
魏晉俗壞以放濟荒滯欺世託名老莊先生

隆禮將砥世育義氣英發破琴之剛

宋孔先生

先生字產深

諱淳

魯人居剡性好山水每有

所遊必窮幽峻或旬忘日歸與徵士戴仲若

王弘之及王敬弘等共為方外之遊會稽太

守謝方明苦要之不能致使謂曰苟不入吾

郡何為入吾郭先生笑曰潛游者不識其水

巢棲者不辨其林飛沈所至何問其主終不

肯往茹室蓬戶草庭蕪徑惟床上有數帙書

宋元嘉初召為散騎侍郎乃逃於上虞界中
家人莫知所在事載南史贊曰

先生居剡其徒自魯世雖莫考殆出宣父聖蓋
歷聘公則窮處是豈不同或默或語

宋戴先生

先生字仲若諱駟安道子也會稽剡縣多名

山故世居剡下與凡並受琴於父父歿所傳
之聲不忍復奏各造新弄兗制五部先生制
十五部先生又制長弄一部並傳於世桐序

縣多名山兄弟復共游之因留居山兗卒先
生以桐廬僻遠難以養疾乃出居吳下士人
共為築室聚石引水植林開澗少時繁密有
若自然乃述莊周大旨著逍遙論禮記中庸
篇元嘉中召不就又止京口黃鵠山北竹
林精舍宋文帝每欲見之常謂黃門侍郎張
敷曰吾東巡之日當晏戴公山下也事載南
史隱逸
傳贊曰

二載之禮著於西京先生父子家學揚名中庸

奧旨發揮誠明聖道得傳軒冕可輕

宋朱先生

先生史失其字

詳百

會稽人少有高情携妻

孔氏入會稽南山伐樵採茗為業以樵若置

道傍輒為行人所取明旦已復如此人稍怪

之積久方知是朱隱士所賣湏者隨其所堪

多少留錢取樵若而去或遇寒雪樵若不售

無以自資輒自榜船送妻還孔氏天晴迎之

先生好飲酒遇醉或失之頗言元理時為詩

詠有高勝之言隱迹避人惟與同郡縣孔顛

友善顛亦嗜酒相得輒酬對盡歡顏峻為東

楊州餉先生米五百斛不受後卒山中蔡真

宗為會稽太守餉先生妻米百斛先生妻遣

婢詣郡門奉餅固讓時人美之以比梁鴻妻

事載南史 贊曰

夷齊去周採薇食之禦寇詳粟彼非我知顏峻

之餉可却不疑清哉先生百世之師

宋孔先生

先生史失其字 譚佑 敬康曾孫也至行通神
隱於會稽回明山嘗見山谷中有數百斛錢
視之如瓦石不異採樵者競取入手即成沙
磔曾有鹿中箭來投先生為之養創愈然後
去太守王僧虔欲引為主簿不可屈先生子
道微與杜景齊友善少厲高行能世其家風
隱居南山終身不窺都邑齊豫章王疑為揚
州辟西曹書佐不至鄉里宗族慕之道微兄
子總有操行遇飢寒不可得衣食縣令邱仲

孛存之除竟陵王侍郎竟不至 事載南史 贊

曰

貪夫徇利或死懷璧公不動心視同瓦礫素風
薰陶猶子絕識一門清節乃祖遺德

齊褚先生

先生字元瓊 譚伯 錢塘人少有隱操寡嗜慾

年十八父為之婚婦前入門先生從後門出
遂往剡居瀑布山性耐寒暑三十餘年隔絕
人物王僧達為吳郡以禮致之先生不得已

停郡信宿終交數言而退宋孝建二年召聘
不就齊宗高帝即位詔吳越二郡以禮
迎遣又詳疾上不欲違其志救於剡白石山
立太平館舍之卒年八十六先生常居樓上
仍葬樓所事載南史贊曰
先生高潔晚身辭昏樂道無悶卒老邱園邦君
請交贈以數言視彼溫伯我則已煩

梁何先生

先生字子季諱庠江藩人師事劉子珪受

易及禮記毛詩又入中山定林寺聽內典其
叢皆通仕至中書令雖貴顯常懷止足建武
初已築室郊外常與學徒游處其內既而遂
賣園宅欲入東乃拜表解職不待報輒去有
詔許之以會稽山多靈異往游焉若若耶山
雲門寺初先生二兄子有子哲並棲遁子有
先卒至是先生又隱世號子哲為大山先生
為小山亦曰東山世謂何氏三高梁武帝餞
祚詔為持進不起有敕給白衣尚書祿固詳

又敕山陰庫錢月給五萬又不受乃敕何子
朗孔壽等六人於山東受學先生以若耶勢
處迫隘不容學徒乃遷秦望山山有飛泉乃
起學舍郡林成園因岩為堵別為小閣堂寢
處其中躬自起閉僮僕無得至者事載南史
何彥德傳
贊曰

秦望之山烟雨泠々其下若耶清見百尋尚觀
後人來憇雲林登山臨淵宛見吾心
唐秦先生

先生字公緒諱系越州會稽人北都留守薛
兼訓奏為右衛率府倉曹參軍不就客泉州
南安九日山大松百餘結房其上穴石為硯
注老子弥年不出刺史薛播數往見之歲時
致羊酒未嘗至城門張建封聞其不可致請
就加校書郎其後東度秣陵年八十餘卒南
安人思之號其山為高士峯事載唐書
隱逸傳贊曰
先生卜築松陰蔽庠清風滿室琴瑟笙竽下視
塵世蚊雷汚渠我知其心游物之初

唐張先生

先生字子同

諱志和

金華人居江湖自稱烟波

釣徒著書號玄真子亦以自號兄崔齡恐其

遁世為築室越州東郭茨以生艸椽棟不施

斤斧豹席樓籬每垂釣不設餌志不在魚也

觀察使陳少游徃見為終日留表其居以宣

真房坊以門隘為買地大其闕號為軒菴先

生善圖山水或擊鼓吹笛歌筆輒成嘗誦漁

歌憲宗圖真求其歌不能致李文饒稱先生

隱而有名顯而無事不窮不達嚴子陵之比

云事載唐書
隱逸傳贊曰

元真築室椽棟不斷千騎從之叩門剝啄素隱

孤標九原孰作英英子陵擬之無忤

鄮峯真隱漫錄卷第三十三終

[Faint bleed-through text from the reverse side of the page]

鄭峯真隱漫錄卷第三十四

贊

會稽先賢祠傳贊下

列仙之儒

越相范公

越相字少伯

諱蠡

事周師太公望好飲桂水

為越大夫佐越王破吳後乘輕舟入海更名

性通齊為鴻莛子皮之陶為朱公財累億萬

號陶朱公復棄之蘭陵賣藥後人有見之云

事見劉子政列仙傳

贊曰

水幾於道隨器員方公越霸既歸復富強游戲
萬事無用勿減真得道者死而不已

漢南昌尉梅公

梅公字子真詳福九江壽春人也少學長安

明尚書穀梁春秋為郡文學補南昌尉後去
官歸壽春數因縣道上言變事求假輅傳詣
行在所條對急政輒振罷時成帝委任王鳳
專埒擅朝京兆尹王章素忠直譏刺鳳為鳳
所誅王氏寢威災異數見羣下莫敢正言公

復上書力陳誅章之過以譏切王氏然不見
納又上言宜封孔子後以奉湯祀公居家常
讀書養性為事至元始中王莽專政公一朝
棄妻子去九江至今傳以為仙其後人有見
公於會稽者變名姓為吳市門卒云今山陰
之地有山曰梅山有鄉曰梅里有里曰梅墅
圖經載會稽記吳市門即此也

事載前漢書
列傳並圖經

贊曰

會稽在漢地兼吳越公隱市門或游禹穴野產

孤雲孰能羈繼百世之風尚馳忠烈

漢太尉鄭公

太尉字巨君

諱弘

會稽山陰人世傳射的山

南有白鶴山世鶴為仙人取箭太尉嘗採蔚新

得二遺箭頃有人覓太尉還之問何所欲太尉

識其人也曰常惠若耶溪載薪為難願且南

風暮北風後果然故若耶溪風至今猶然呼

呼為鄭公風也後仕至太尉以劾奏竇憲楊

光不宜處位因乞骸骨歸未許病篤上書陳

陳謝并言竇憲之短臨歿悉還賜物勅妻子

褐巾布衣素棺殯殮以還鄉里

事載後漢書列傳贊

曰

射的萬仞藤蘿絡之仙靈所止可信不疑樵風

適意飄颻水湄千載之下敬仰遺祠

漢魏先生

先生

諱伯陽或以為字

會稽上虞人高門之子性好

道術不肯仕修真潛默養志虛元博瞻文詞

通諸緯候入山將弟子三人作神丹成知

弟子心不盡乃試之曰丹今雖成當先服之
入口即死獨有一弟子曰吾師非凡人也服
此而死將有意耳乃亦服丹即復死餘弟子
不服乃共出山為求棺木先生即起將服丹
弟子而去因逢人入山伐木故作書於鄉里
寄謝二弟子作參同契五相類凡三卷其說
似解周易寔假支象以論作丹之意事載葛雅川神
仙贊曰藏室萬卷充溢棟宇孰如參同可究脈絡允蹈

其詮飄然輕舉稽首琅函丹經之祖

漢蘓先生

先生

諱子訓

不知所由來建安中客在濟陰宛

旬有神異之道流名京師士大夫承風向慕

之乃駕驢車詣許下既到公卿以下候之者

座上常數百人皆為設酒脯終日不置後因

遁去遂不知所止去之日唯見白雲騰起從

旦至莫如是數十處時有百歲翁自說童兒

時見先生賣藥於會稽市顏色不異於今後

復於長安東霸誠見之與一老公摩挲銅人
相謂曰適見鑄此已近五百歲矣顧視見人
而去猶駕昔所乘驢車也見者呼之曰蘓先
生少住並應之若遲徐而走馬不及於是而
絕事載後漢書方術傳贊曰不詳
至人得道八極飛騰徜徉塵世驢車是桑中干
年間谷或為陵摩挲銅狄幾閱廢興

吳上虞令劉公

其令君字伯經諱綱下邳人也初居回明山後

為上虞令師事白君受道歷年道成邀親故
會別飲食畢登大皂莢木上去地十餘丈舉
手而別忽然飛入雲中而去妻樊夫人亦有
道術俱昇天今白水觀乃其遺跡云事載葛稚川神
仙傳反白贊曰白水觀碑
天地幾何同寄一塵世局耳目分妄與真劉公
登天如適其鄰以水投水同則相親

吳介先生
先生字元則諱象會稽人也學通春秋博覽

百家之書陰修道法入東嶽授氣禁之術於
山中見一女子蓋仙人也先生即叩頭乞長
生以丹方一首授之告曰得此便仙勿他為
也吳先生名至武昌甚敬重之稱為介君為
起第宅以御帳給之先生求去不許自言某
月日病先主使左右以一梨賜之先生便死
先主殯殮之發視其棺無尸以所住屋為廟
時往祭之常有白鶴來集座上良久乃去
後弟子見先生在蓋竹山中

事載葛稚川神
仙傳及三國志

趙達贊曰
先生之學志在春秋抗情物表躡空遠遊巢父
詳堯而况仲謀供張何物乃欲吾留

吳趙先生

先生諱廣陽城人魏末渡江之刻小白山受

禮法成服氣法又受師左君守玄中之道內

見五藏徹視法如此七八十年周於郡國或

賣藥出入人間人莫知也多來都下市井作

九華丹、成遂乘雲駕龍白日登天事載贊
真誥

曰

真人登天丹為階梯公煉九華壽與天齊世或
疑謗彼或醢雞妾得人人乞與刀圭

吳虞先生

先生

諱翁

會稽人受仙人介君食日精法以

吳時隱狼伍山魚行運氣回形之道精思積

久形体更少如童子後乘雲昇天

事載真誥

贊曰

餐日之効沆瀣莫肩咀燕絳津九芒森然公能
行之羽翮蹻蹻乘雲清都何千萬年

晉夏先生

先生字仲御

諱統

會稽永興人嘗詣洛中市

藥會三月上巳洛中王公以下並至浮橋士

女車服屬路先生在船中曝藥並不之顧太

尉賈充恠而問之徐蒼曰會稽夏仲御也充

耀以文武鹵簿鼓吹車乘又使妓女匝繞其

船先生危坐如故若無所聞充等各散曰此真

兒木人石心也先生歸會稽不知所終

事載晉書

隱逸

贊曰

賈氏巨猾寔斷晉室高人視之何啻鬼域淫聲
亂色耳目之賊謂予不見我心匪石

晉葛仙公

仙公字孝先諱玄丹陽句容人從左元放受
九丹金液仙經嘗服餌求長生能絕穀連年
不饑曾游會稽有賈人從海中還過神廟神
使主簿語賈人曰今欲因寄一書與葛仙公
可為致之主簿因以函書擲賈人船頭如釘
著板拔不可得還達會稽輒以振仙公仙公

自往取之即得也語弟子張恭曰吾不得治
作大藥今當作尸解去八月十二日中時當
發至期衣冠入室而卧氣色不變弟子焚香
守三日三夜半中忽大風起發屋折木穀
嚮如雷燭滅良久風止然燭失仙公所在但
見衣在而帶不解以其學道得仙故號曰葛
仙公今會稽有仙公釣矶及鍊丹井俱在

事載

葛稚川神仙傳
及晉書並圖經贊曰

先生丹術咫尺雲路浴鍊鼎時蟬蛻而去苔磯

磯碧井今有遺處風靜月明倘一回顧

晉抱朴子葛公

抱朴子字稚川諱洪仙公從孫以孺儒學知名性寡慾不好榮利閉門却掃究覽經籍尤好神仙導養之法初仙公以鍊丹祕術授弟子鄭君稚川就鄭君悉得其法咸和初選為散騎常侍固辭不就聞交趾出丹砂求為句漏令乃止羅浮山鍊丹在山積年優游間養著述不輟著內外篇凡一百一十六篇自號

抱朴子因以名書年八十一卒顏色如生体

柔軟舉尸入棺輕如空衣世以為尸解得仙

輿地志云上虞縣蘭芳山葛稚川所棲隱也

今會稽有仙公遺跡至多據此稚川蓋亦嘗

至焉事載晉書列傳及圖經贊曰

蘭芳之顛石益甘泉霑雨不溢旱亦泓然是一勺水坐閱十年我挹我酌如見稚川

晉長史許公

長史字思立諱謚少知名儒雅清素博學有

才章簡文皇帝久垂俗表之願與時賢多所
傳結少仕郡主簿功曹史王茂弘蔡道明辟
從事不赴選補太學博士出為餘姚令入為
尚書郎郡中正護軍長史雖外混俗務而內
修真學家授教記遵行上道挺公所得乃為
上清真人少子靜恭泰久居會稽禹井山頗
遵承家法傳授經書云事載真誥贊曰
逸少弃官自誓甚確先生從仕乃修真學丹鳳
高翔野鶴俛咏迹雖不同：是超卓

齊顧先生

先生字景怡一字玄平諱歡監官人家貧鄉

中有學舍無以受業於舍僻後倚聽無遺忘
者夕則然松節讀書或然糠自照及長篤志
不倦聞吳興東遷邵玄之能傳五經文句假
為書史從之受業年二十餘更從豫章雷仲
倫譚玄儒諸義遂隱不仕於剡天台山開館
聚徒受業者常近百人山陰白石村多邪病
村人告訴哀求先生往村中為誦老子病者

皆愈又有病邪者問先生先生曰家有何書
答曰惟有孝經而已先生曰可取仲尼居置
病人枕邊恭敬之自差也而被病者果愈齊
高帝輔政徵為揚州主簿及踐祚乃至稱山
谷臣進政綱一卷優詔稱美東歸賜塵尾素
琴年六十餘歲卒於剡山身體香軟道家謂
之屍解仙化焉事載南史贊曰尚類無憂云
萬法惟心邪不奸正老子孝經亦能已病我知
先生中有依証咨爾後來其母不敬

齊光祿大夫孔公

光祿史失其字

諱靈

會稽山陰人宋泰始中

罷晉安太守有隱遁之志於禹井山立館事
道精篤元徽中為中散大夫頗解星文術數
齊高帝輔政沈攸之起兵光祿白高帝曰攸
之兵雖強以天時冥數而觀無能為也高帝
驗其言擢遷光祿大夫餉以白羽扇素隱几
曰君有古人之風故贈君古人之服當世榮
之於是守志山阿懷道畢世後解形潛蛻云

事載南史孔德璋
隱及甌瑯山記

贊曰

其善者機星緯之傳孰知先祿一念通天眇視
辭世泉石終焉旬以方彼晚此大賢

齊杜先生

先生字景齊

諱京

吳郡錢塘人也少恬靜絕

意崇官頗涉文義專修黃老會稽孔覲清剛
有峻節一見而為款交永明十年召為朝奉
請不至於會稽日門山聚徒教授建武初召
為員外郎散騎侍郎先生曰莊生持釣豈為

白璧所回辭疾不就

事載南史

贊曰

黃帝之學演為腴周清淨無為道家者流公獨
修之不改久幽騎省雖貴其亦犧牛

梁貞白陶先生

先生字通明

諱弘

丹陽秣陵人十歲得葛稚

川神仙傳晝夜研尋便有養生之志齊高帝
作相引為諸王侍讀永明中晚朝冠掛神武
門上表辭祿許之敕所在月給伏苓五斤白
蜜二升以供服餌止於句容之曲山立館號

華陽隱居仙書云眼方者壽千歲先生晚年
一眼有時而方梁大同二年卒年八十五願
色不受香氣累日謚貞白先生案內傳言先
生嘗避道東邁改名氏曰王整官稱外兵會
稽陶宴嶺有先生遺迹頰由此得名又上虞
縣釣臺山夏侯曾地志言先生嘗乘槎釣於
山下潭中事載南史隱逸傳贊曰
公來山陰史氏弗傳避道東邁蓋見內篇青嶂
碧潭遺迹粲然翔鸞舞鶴來往翩

唐祕書監賀公

祕監字季真

諱知章

會稽永興人性曠夸善談

說與族姑子陸象先善象先嘗謂人曰季真

清談風流吾一日不見則鄙吝生矣擢進士

超拔羣類科仕至必祕書監晚自號回明狂

客每醉輒屬辭筆不停書咸有可觀天寶初

病夢游帝居數日寤乃請為道士還鄉里詔

許之以宅為千秋觀而居又乞周宮湖數頃

為放生池有許鼎者撰通和先生祖贊碑云

賀監得攝生之妙負笈賣藥數百年不死後
於天台昇仙當元和間通和嘗遇授斷穀丹

經云事載唐書隱逸傳及高道傳贊曰

天寶諸公衮衮臺省黃冠告歸奚止官冷鏡湖
之官烟水千頃尚想先生月落酒醒

唐宗元吳先生

先生字真節諱筠華陰人性高鯁不耐沉浮
於時去居南陽倚帝小天龍初台至京師請
隸道士籍乃入嵩山南游天台觀滄海與有

名士相娛樂文辭傳京師明皇遣使台見大

同殿與語甚悅獻元剛三篇帝嘗問道對曰

深於道者無如老子五千文其餘徒器紙札

耳復問神仙治鍊法對曰此野人事積歲月

求之非人至宜留意先生每開陳皆名教世

務天子重之詔為立道館安祿山欲稱兵乃

還茅山因東入會稽剡中卒弟子私謚為宗

元先生事載唐書贊曰

漢魏之間道書雲集下迨隋唐更益擴拾公障

顏波砥柱屹立獨尊老氏盡空藥笈

嚴先生

先生諱青會稽人也遇神仙授素書一卷曰
汝骨應得長生先生言我不識書當奈何神
人曰不須讀也但以潔器盛之置高處耳并
教服石髓法先生受之無他佳器惟有飲壺
乃用以盛所授書即便見其左右常有數十
人侍之治病救患但以所授書到其人家所
病便愈智性尊奉之後漸穀不食一年入小

霍山仙矣

事載葛稚川神贊曰
仙傳云不著時代

素書眇然信則如神雖有文字其惟天真被讀
萬卷行或病民我祠先生用愧斯人

鄮峯真隱漫錄卷第三十四終

石臺葛公先生 字推川

公游宇內踪跡殆徧一月于江無處不見大隱

石臺波光如練山巔丹井清可觀面

一出即石窗賀公先生 字季真

道既不逢去當勇決野服黃冠孰能羈紲鄞水

烟波鏡湖風月高標凜凜濯世熱

四大隱楊公先生 諱適字韓道

道契皇王德參天地俯仰窺察出處一致三聘

及門疾驅遠避齊魯大夫公其無二

慈谿杜公先生 諱醇

伊歟高尚抱道弗違下視流俗突梯脂韋荆國

之請叩其元微九原可作非公誰歸

甬水王公先生 諱說字應求

生負大材棲於甬水雖有聲名且無生理陋巷

簞歌王公知己百世聞風莫不興起

西湖樓公先生 諱郁字

翁臨西蜀蒙化南閩公以是教作成吾鄞遠今

士子儒學彬上收功貽厥世有顯人

士子謝桃源王公先生

公修隱德約處桃源文肩李杜行踵淵騫教育

千里執經滿門天之振施煌七後昆

單鴻王望春王公先生

使者入境金橘是求公責以義彼寔懷羞晚使

竹邑投劾歸休鄧城彭澤千載同流

湖西周公先生

諱師厚

官遊寡偶不如投閑言之孔易行則惟艱公乎

勇退雙鬢未班葉月蘋風誰復追攀

奉化孫公先生

朱梁僭竊公懷憤耻仕還民服年著甲子寥

唐未有茲義士遺編雖存惜無信史

真隱居士自贊

道服仙巾盤陀燕坐觀者欣然謂即是我於此

可求靈珠一顆何以知之石中有火

其二為

為彌聖書

貌雖寒薄少病長年心雖鄙野樂善好賢施恩

不責振效受敵却反矜憐進則彰我后之德退

斯遠當世之權無乃不求媚於人而求媚於天
者乎達識於此見道大全知其不可以貌取而
可以心傳則此尺素吾無取焉

可求其三 為女淨真書

仙中鹿裘燕坐優游茹芝玩世竹石是傳不知
裏許却有陽秋寄言具眼者莫向筆端求

其四 為女妙音書

仙冠道服鶴髮童顏寂然不動風靜雲閑滄溟
萬頃着在中間若能會得何必觀瀾

其五 為女妙勝書

內秉靈臺之茂坦外彰道貌之冲融和氣既埽
於橐籥正音斯洽於絲桐友于齡之龜鶴理三
徑之菊松鴻冥亡而高舉笑弋者之雉弓

其六 為女孫妙雲書

足躡坦途身倚白鹿貌既蕭散心無局促鼓雲
和之虛暢來微微風之清穆其誰知之伯牙一

曲

其七 為潘恭叔戲書

道與之貌天與之形畫史具眼運筆不停若其
空洞萬頃滄溟只恐畫史徒費丹青

其八
官身乞得自由身不着我冠只葛巾若也於斯
能游得始知天地有閑人

其九
滉在海中起滅無跡畫史窺見一斑是以其茲
形色在吾旁者貌行行而心翼上不然吾以寶
吾陋影而求吾真迹邪

竹院曇少雲得古畫雲龍垂之堂上坐間

似覺風雨晦冥迫而視之鱗鬣頭角蜿

蜒翔舞有葛陂仙去之象求贊於真隱

居士走筆為書

神龍窟宅依憑太室升潛有道變化無窮固非
一跡可得形容誰將尺素幻此靈通滄然雲霧
不見其踪我欲垂之上造蒼宇作為雷雨滂瀉
華戎令彼早歲咸歌景豐却歸瑤堵歲一粟中
驚奔遠走回同葉公

永嘉前任長蘆心聞貢師真贊

清心冷心如風過耳灑心落心如月在水其孤
標逸韻真可慮貪而律鄙若夫道之在天下歷
千古而不死又何必視幻影於斯繼續遺言於
故紙嗚呼是為長靈之孫無示之嗣後學之師
心聞老子

衆請贊劉岳真士繪像

高垂一幅生綃月滿雲收寥廓到得形神俱妙
畫師模索不著

故內相北海先生綦公之姪孫更生奉遺

像求贊

堂堂綦公人中之龍獨步一世鬱為文宗遂令
學者霧集雲從凡百君子式是德容

南湖法智大師像贊

靈山一席儼在天台從十三葉復生奇才倡道
四明誦肆宏開薄海聲聞欲上雲雷章聖在御
中使禹來得法大旨皇心恢心錫號法智宸章
昭回抵今後學感仰崔嵬蘭馨菊芳本一根

黃鳴呼是為法宇之柱石教品之監梅宜茲幻
影歷千古而無塵埃
洪都道士博得一求贊淳熙改元四月吉
日三山郡齋書
誰把丹青獨露堂上彼何人斯亦在吾傍熟視
不語其音琅上凡所有相冰融太陽

鄧峯真隱漫錄卷第三十五終

鄧峯真隱漫錄卷第三十六

題跋

跋御筆賜母咸安太夫人酒果

臣某隆興改元備位參知政事臣母咸安郡太
夫人洪氏年且八十就養執政府皇帝陛下聖
性純孝知臣粗謹事親臣母生朝歲上賚以金
器繒練薰茗之屬以為常每進對必蒙上問甚
寵乃因元日詔賜上尊珍果俾為私庭之壽既
而臣除右僕射正謝之日再降御札以賜臣母

母子相顧感泣下拜距今二十有三年臣不忠
不孝老病且死終無秋毫上酬主恩下為親顯惟
是伏念陛下所以寵光私門蓋將勸天下之為
人臣為人子者臣既已弗稱若又使聖君錫類
之意不克布宣臣罪滋大是敢摹刻堅珉與天
下臣子共之倘維此竭忠効節立身揚名之士
為時而出則臣區區之願塞矣淳熙十二年正
月望日具位臣史某恭書

跋御筆獎諭詔

皇帝陛下踐祚之初勵精圖治思與天下更始
驟擢臣自廢官再閱月而為執政恃臣為腹心倚
臣為股肱手詔寵頒期望過甚臣朝夕思念惟
懼無以稱塞凡陛下內而孝兩官友恩平臣不
敢不贊美外而修百度恤民隱臣不敢不將順
獨於用兵弗敢輕議督府謀山東臣則曰晉句
踐振吳二十餘年乃克遂志若取山東雖至青
鄆虜巢未必可窺倘兩淮無備一郡失守則二
浙騷然不可不慮今姑可練士卒積資糧以固

吾國不宜彰虛聲以致敵俟養威蓄力十年之
後可議恢復矣西師守德順臣則曰昔諸亮常
攻今鳳翔之地以進則得長安而天下可圖也
姜維伐代之乃西取隴右每取一郡則分兵以
守關隘無備鄧艾得以亡蜀若取德順雖至熙
原虜地固無甚損倘分兵以守一有窺伺則西
蜀騷然不可不慮今姑可選將帥備器械以觀
其釁不宜疲人費財以餌敵十年之後東南兵
舉可為犄角矣方陛下一新庶政咸思奮起以

赴功名之會故不喜此迂緩之謀反以此嘗臣
不知臣實不忍欺陛下也蓋臣受委任異於稠
人其敢崇虛名抗高論以為已謀哉至於納降
臣亦不敢當邊鄙擾蕩之後創痍未泯調度益
繁誠不欲以有限之租歛飽無用之流亡謂宜
休養民力俟家給人足乃可為之既而臣以建
議不同丐歸之後用兵則卒無成效使士馬器
械遺亡殆盡納降則終不得用徒困於廩給財
計未克幸賴陛下仁慈恭儉勤上積累然而恢

復之舉未能仰稱聖意蓋以臣望輕德淺不足以服衆心材拙謀疎不足以回衆論十年之約遂成空談臣罪當萬死故因敬刻詣詔旨併狀臣罪亦以明前日羣臣失謀之誤非陛下之素志也淳熙十一年歲在甲辰九月丙戌朔具位臣史某拜手稽首恭書

跋御書聖主得賢臣頌

紹興庚辰光堯壽聖憲天祚道太上皇帝不以臣不肖擢為司封員外郎今上皇帝潛府直講

臣恭觀聖質元良尊嚴簡默誦學之隙無他嗜好唯翰墨是娛取前言往訓有裨於治道者親灑宸毫連編挿架無有厭歎一日出漢臣王褒聖主得賢臣頌獨以畀臣且曰聖主在上求賢才如弗及故有是贈臣再拜受而藏之歲在壬午陛下龍飛大寶臣待罪右輔竊思所賜軸末寔有御名而一介微臣蒙以字呼堂陛之分未肅非所以風示天下請歸之御府聖恩未許乃乾道壬辰臣承乏假守七閩且奏事闕下洎一

再對從容宴待躬進此書越明年九月上遣使
即臣治所賜御書二軸其則一再書褒所作頌
也臣瞻企九重蹈舞下拜炷香伏讀天日開明
雲煙飛動震耀心目臣謹拜手稽首言曰惟聖
與賢天地遼絕自昔帝王欲立非常之功者雖
其智勇不世出亦必求賢以自輔其未得之如
饑渴之於飲食既得之則精神聚會歡然交欣
禁止令行治切日起臣魚縱壑鴻毛遇風誠非
過喻然則君臣相須理固然也仰惟陛下洞明

此理雖聖神文武出於天縱猶且當饋遐想慨
然有感於斯文願臣何人兩拜茲罷內於無庸
莫知稱塞粟上震懼無地自容方今忠良俊乂
布滿朝列惟陛下委任而責成之則中興感烈
日月可覲臣雖老矣尚庶幾見之謹奉宸藻錢
諸樂石以傳無窮俾萬邦黎猷咸知聖天子樂
與賢臣之心云淳熙甲午七月望日具位臣史
某奏書

跋御製曲宴澄碧殿詩

皇帝陛下踐位之十六載臣蒙恩再侍經幄賜
召見眷禮益隆乃九月丙辰錫宴澄碧殿酒半
陛下舉玉趾臨清激巨壑從遊山光水聲互相發越
恍然如在蓬萊方丈間從容談道賜杯無筭抵
暮詔宿玉堂之直廬願謂臣此會不可以無紀
臣欽承睿命斐然成詩叙所以感遇之意以進
陛下繼錫宸章俯同其韻日星昭回下賁無類
華袞之寵宴堂一言皆非臣不肖所宜蒙也臣
下拜跪誦仰見聖學高明文章煥發旋乾轉坤

工極造化一篇之中屢致志焉曰治道清貴淨
聖言有深旨又曰躋民期仁壽詎肯中道止此
則有志於自治也曰東都會諸侯宣王昔於是
又曰都護萬年觴何嘗當至庭所此則有志於
服遠也夫內而自治外而服遠二者不本之從
諫未有能致之者曰虛心欲受人忠言資逆耳又
曰期爾罄嘉謀使我勲業起大哉言乎臣於此
乃知陛下深得致斯二者之本也昔傳說告高
宗曰惟木從繩則正后從諫則聖高宗聽之遂

能克鬼方隆商祚是知自古聖君立志有為未
嘗不以從諫為先務今陛下既已明示厥旨豈
惟臣愚願殫一得仰振毫分抑中外濟上之士
或謀猷之已告或策畫之欲陳莫不益思展盡
以輔成聖志則陛下是詩之作其功用不既大
矣乎中興跋可俟也直筆以記臣雖衰老尚幸
見之謹奉聖製勒之樂石垂訓萬代又刻臣鄙
句於下方庶昭宸章之工侈非常之賜云淳熙
四年歲在丁酉十月丁卯朔吉具位臣史某拜

手稽首恭書

跋御製長春花詩

臣恭惟皇帝陛下仁參造化道極範圍與物為
春之心雖遊晏賦咏之間曾不少置頃者以臣
乞還田里屢詔不許乃御製長春花詩遣中人
即臣賜第宣示以見聖志雲漢昭回高出風雅
固非臣所能窺測臣下拜跪誦惟深感激竊不
自揆昧死膺續方俯伏愧恐而鴻私曲被既不
加譴乃復用初韵以賜姑取其無妨賢嫉能之

微誠而貸其人竊寵祿不能少贊天地化育之
大罪臣竊即死何地論報惟知虔奉宸章勒之
樂石以傳無窮且附臣鄙拙之辭於下方使天
下後世仰知聖主片言必錄所以保子孫黎民
於億萬年之久者實由此心則臣歸美之報尚
庶幾焉淳熙十一年十月望日其位臣史某拜
手稽首恭書謹誌

跋高宗皇帝御筆賜香茶送行

臣某伏以淳熙八年夏五月蒙皇帝憫其哀疾

許以東歸具奏德壽官乞陞辭乃八月癸丑恭
被光堯聖壽憲天體道性仁誠德經武緯文太
上皇帝陛下親詔免朝仍賜御香龍茶以華其
歸重念臣策名委質實在紹興偶階獎知獲事
嗣聖遂以謫薄待罪羣臣之右夙夜慄懼干
大刑善貸曲成以迄今日又獲奉身以退出處
粗全仰惟兩宮天地父母覆載顧復之恩至深
至廣如此而一介孤臣待盡閭巷無復可圖犬
馬之報徒能摹勒宸翰刻之金石以昭示天下

後世昔漢之綺園非拔尤於高帝唐之房杜特
見遇於太宗以今視昔臣竊有榮耀焉然前無
羽翼調護之功後無輔相彌達之益茲榮也祇
所以為愧歟淳熙九年正月癸未具位臣史某
拜手稽首謹書
跋御製東歸送行詩
臣某伏以淳熙八年五月壬寅蒙恩以臣累曠
請老進拜少師食內祠祿歸守先墓又詔俟秋
乃發越八月乙巳既有行日蒙賜宴祕殿宣勸

臚賜恩意隆渥且賜御書御製詩一首以寵其
行臣惶惧跪捧再拜稱謝繼以涕泣伏念臣昔
侍潛藩遂躋近弼迨今二十餘年同時際會之
臣淪謝畧盡臣疾慙支離歸然獨存獲假餘息
親見威際然而再當鈞軸三備經幄卒無秋毫
補振罪宜萬死陛下任人圖舊置相惟終使保
首領以從先臣於地下固已幸甚又况異數明
恩胥由聖志奎文義畫申賁晚途曠數十百年
無與為比臣伏見在太宗皇帝神宗皇帝時有

若韓王趙普潞公文彥博之將退也皆嘗賜御
詩而不聞出於宸翰在仁宗皇帝時有若許公
呂夷簡鄧公張士遜之告老也皆嘗賜御書而
未嘗形於聖作豈繁具臣績用勿昭碩乃蒙被
恩榮超冠古昔震懾隕越不遑夙夜竊不自揆
敢昧死用普彥博夷簡士遜前比摹刻玩琬傳
示無極度幾萬邦黎獻咸知聖主眷禮臣下如
此惟動五應侯志以訖太平巍日之功則臣尚
足以贖空餐非據之罪於司敗也臣不勝大願

淳熙九年正月癸未具位臣史某拜手稽首謹
書

跋御製入謝送行詩

臣某以淳熙癸卯冬得請謝事旋有旨用故事
入謝明年春被旨趣行以三月對四月辭自對
呈辭恩數隆赫臣某悲惶恐避多獲聽許於
是賜御製詩一首以寵其歸倬乎雲漢不足以
為光鐸乎威韶不足以為美臣百拜以謝三沐
以觀什襲以藏猶以為不克稱恩遇也躬自摹

勤効之琬琰且拜手稽首對揚王休曰前席之
咨及於衰朽陛下之好賢也推此心則奇材碩
德將接迹於朝路矣忠諫之求速於閑退陛下
之納諫也廣此志則嘉言明謨將日沃於黈聰
矣願陛下無忘所以假寵老臣者以均被多士
而致太平臣雖待盡獻畝以是為振其尚庶幾
乎淳熙十一年十月日具位臣史某拜手稽首
謹書

忠諫跋御書明良慶會之閣

臣伏自皇帝陛下毓德潛藩以經入侍遭際興
運代匱近司二十年間致位公保所賜手詔聖
製充溢私篋年運而往侵尋遲暮誠惧一旦先
先狗馬填溝壑術息弗振齎恨及泉遂以祿賜
所積建閣於私第之東北所用謹宸奎之藏不
先以聞罪當萬死不謂乃蒙聖恩賜臣御書明
良慶會之閣六大字及申命中使馳賜上方所
製榜篇所以假寵臣者至深至厚臣竊惟恩昇
閣名雖存故事然隆興以來輔相被賜則自臣

臣始鏤金塗碧魏上煌上炳煥九霄震耀萬寓
與榮河溫洛之祕異世同符哀瘁老臣死且不
朽謹摹勒琬琰仍以墨本上之御府副在有司
以待制詔頒付史官傳信後世臣不勝大願淳
熙十二年正月望日具位臣史某拜首手稽首
謹書

跋御草書舊學二字

淳熙戊戌四月朔告臣待罪右丞相上遣使至
都堂傳宣賜臣御草書舊學二字臣下拜跪受同

列敬瞻羨嘆咸謂臣曰自古依光日月際會風
雲未有如今日之盛者請鏡諸聖珉永為都堂
榮觀臣曰不可昔高宗嘗學於甘盤甘盤得
道之士也授受之際必有一言深相感發故雖
久而念之不忘舊學之名甘盤受之則無愧如
臣愚陋曩玷執經之列曾無絲髮上裨光明何
可輒當此名矧敢揭諸政事之堂乎第當十襲
謹藏為家至寶暨告歸曰里私切自念雖臣孱
瑣不足以仰承大賜然使聖主所以寵嘉愚臣

之意不白於天下後世罪之巨大矣於是命之
刻之以為子孫不朽之傳若夫草聖之精跡脩
八法群自聳觀龍蛇碗蜒雲烟飛動則竭巨腕
敵之文不能形容萬分之一姑叙拜賜之歲月
云歲在辛丑十月望日具官臣史某拜手稽首
恭書

跋御真書舊學二字
淳熙戊申夏六月辛卯皇帝遣使再賜臣以舊
學二字仍宣諭曰曩所賜字筆畫微艸今易以

楷奎壁之光荐燭蓬華縉紳聳瞻歎未曾有臣
下拜登受仰戴隆恩未知報所臣竊自思歲在
戊戌再塵右輔嘗蒙此賜迨今十稔復拜珍貺
徒天而降罔測厥由仰惟陛下孝德純篤冠冕
百王不取漢景從父之令躬執通喪親收高宗
妙弼之祥共凝至治念昔高宗之恭默蓋思甘
盤所傳之道天監精誠賚以傳說故方宅夏軫
託微臣有及於此臣夙以淺陋獲事初潛執經
佔俾譬之爝火螢光不足上禱日月之華耀安

敢仰當甘盤舊學之名臣知陛下市腐骨將以
致絕足也然臣觀今日股肱大臣朝夕納誨百
僚庶尹後又如林則先輔中與戎鬼方朝諸侯
以成嘉靖之功如運之掌固不俟形諸棗棗訪
諸岩野而聖心犹憺、若此豈非德日又新尚
賢不已以至於斯乎在易大有上九之辭曰自
天祐之吉无不利係辭謂履信思順又以尚賢
是以獲茲利也臣謹奉宸章勒之樂石昭示億
世使咸知聖主享天之祐於萬斯年實又以尚

賢之效此臣區區歸美之志也其官臣史某拜
手稽首恭書

跋徐明叔為張達權篆正心誠意樂天知

命八字

右八字刑部徐公為錢塘張君達權作初刑部
游鄞達權乃求榜其池臺館宇而以是請士
士之為致知格物無方無體之學者往、聞而
喜之今又取石他山深刻以傳遠後之覽者能
推原本旨信有所得俾不為屋壁長物乃其志

也

跋趙宗正詩

曩讀公詩嘆其雄深幽遠有魏晉間一種風味殆非後世詩流晚從公之孫樂善遊出公所為行狀自言嗜詩齊宋而下弗好於是益知前者非過論也紹興庚午臘日四明史某書於真隱齋

跋趙恭夫所藏焦公路帖

頃聞焦公路先生山東一布衣聲稱滿朝丞相

趙公元鎮欲荐不可尊禮之甚心深慕焉洎公路寓四明大涵山之麓人頗籍：道公路家居修容妻子不見少懈出與物接規矩古朴往口見笑於世俗俟夷倨肆者不校也於是始得一見望之儼然即之溫然則心已服及聆其言接其意乃有大過人者信乎名下無虛士也今公路雖往一時從學尚遵禮法如公路無恙時去而仕官反鄉曲人之見之不問皆知其為焦公弟子玉牒恭夫尤其上列出此帖以求跋三復斯

文如見公路紹興辛巳元夕後二日四明史某

跋

跋李季可百說

季可百說如蜜蜂房醞蜜中邊皆甘甜食者能知其採擷衆芳飄泊乎風烟雨露之變得之勤勤而成之不易庶乎旨其餘味季可洛人居錢塘城中一室空無有惟作書史活計即之似無意於世者至語用兵理財治劇之方疊上有緒乃知季可不為無用之學使得行其學百說殆

殆其善者機也紹興辛巳六月吉日四明史某

跋

跋胡元高之父謨宣聖編年

余頃得此書於大學不知誰所為嘗跋其後曰釋家者流能以佛之終始作為成道託吾中國聖人堂、言行著在六籍百家學者不能萃為一書以貽後世視之寧無愧今此書殆是補亡深合鄙志為之擊節雖然聖人之道施諸父子之仁君臣之義夫婦之別長幼之序朋友之信誼

浸斯民歷千萬世民之飲食起居無日不與聖
人接尚何待窺陳迹於方冊間耶余於此取其
顛末貫穿該括無遺其愛慕聖人與子貢築室
獨居之心無以異也乾道癸巳余為福州京西
漕使胡君仰遣所求跋於某始知此書乃其先
君子作於是敬述前語以遺之秋七月望日鄭
峯真隱史某跋

跋淮寧趙使君檄張邦昌書稿

靖康之難公以宗英之傑貽天祗引大義使僭
偽縮手遂巡退聽神器有歸卒成恢復等計見
效不在平勃李郭下其與朱虛侯蓋異日同道
也劉歆輩而在或見此書必當羞死淳熙辛丑
閏月吉日四明史某敬書

跋趙伯山從駕詩

承平時乘輿享原廟必因宮觀謂之帶過靖康
初政軍旅事叢罷之此詩蓋作於宣和間故都
全盛氣象與夫一時風流人物之勝猶可想也
淳熙辛丑中元真隱居士史某跋

跋米元章帖

元章字畫見之石刻猶欲飛動恨生晚不及觀其落筆縱橫於淮山樓上也淳熙八年秋七月望日真隱居士史某跋

跋陳忠肅公謝表稿

紹聖元符間京下方用事下嘗取其外舅荆國王公日錄潤色以傳會國是其中多詆誣神祖識者憤之而不敢言忠肅陳公惧後世信然乃奮不顧為書數萬言力闢其非是名尊克集雖

雖流離竄逐不利其身而輒排攘斥不絕諸口卒使羣陰解散神祖之功德巍上昭若日月其視孟氏辨楊墨韓氏黜佛老殆無以異某生恨晚不及識公然違事先祖太師備聞公之賤回明也嘗與游從幽居南藍裘葛不足蔽体簞歌不能繼日人不堪其憂而公溫然盛德之容了無愠色笑談舒愉若被文繡而飽膏粱者暨再謫臺城欣然就道臨岐挾袂猶以京下為憂非其所存介然不渝安能甘此下正特立獨行窮

窮天地亘萬世而不顧者也蔣君如晦回明佳
士自其先世與公有舊得公乎梁謝表藏之筆
畫道勁言辭懇惻某再拜以視如覲公而喜幸
之餘輒附名卷末淳熙甲辰初伏其位史某敬
書

跋張功父詩

論言褒予正遭逢底事思歸作蠹虫未信夏畦
三日雨能勝秋浦一絲風英仁尊府分符譽燁
燁先曾衛社切寄語夫君當勉勵不耕何以望

時豐淳熙丁未開鑪日予過竹院曇師方摘紙
為和章以勉臨安通守張君功父予亦戲筆擬
作示曇發一笑擲去後數日鄉友張以道貽書
寄似功父詩求予跋予方病未能也乃索前稿
附之卷尾真隱居士史某跋

跋閑樂先生論金陵日曆書

尊君人臣之忠責善朋友之義閑樂先生以書
可謂兩盡淳熙戊辰上巳先生孫昌年為明之
錄參不鄙獲垂示再拜一觀竦然敬慕昔夷

惠清和百世聞風尚皆興起矧親目忠義之言
邦
跋楊廷秀秘監張魏公配享議
予觀此書數叙條暢有作者聞鍵世方寶其文
章予獨取其節槩古人於知己深身吞炭後世
往、不然縱未彎弓下石其不面譽背毀者幾
希此孟子語智之於賢者必歸之命也忠獻張
公亡久矣今日忽有一國士振者可謂鳳鳴朝
陽夫張之知楊不過吹噓獎進猶振之如許使

國家而用斯人肯負吾君乎此予所以重其節
概也予平生受無垢先生張公之知至今寢飯
不忘然犹未知振所因有感於斯文故書

跋修法師釋氏通記

浮屠德修少從仙林洪濟聰慈恩法已而更衣
學禪辨道之餘能以筆墨誌其祖之始卒與夫
先世傳授後業紹承編年類事凡華言梵語書
籍所載碑刻所存無不蒐獵十年成書目曰釋
氏通記求跋於予、問曰無褒貶否對曰無之

予嘉其不敢占越擅史氏褒貶故為之過目焉
夫修佛之徒也能集其祖之緒期不墜將來由
周迄今幾世幾年使觀者如指諸掌其用心亦
勤矣吾儒學聖人道貫穿古今固不乏人其間
綴緝章句第取青紫問先聖之始卒後學之傳
紹往、有不知者得無愧於斯乎予非譽修蓋
欲勉吾徒之弗逮者淳熙己酉重陽日真隱居
士史某書

跋為道士贈育王兜老頌

遠陸相遇目擊道存茲雖善頌頌是饒古然不
如是又何以發淵明一笑耶淳熙己酉下元日鄭
峯真隱因過寶奎偶見戲書其後

鄭峯真隱漫錄卷第三十六終

鄭峯真隱漫錄卷第三十七

致語

天中節錫宴當筵致語

甲子明州初開樂

天開萬世之福聖應千齡之期瑞感虹光慶綿
火德奏黷賓於舜律風入五絃玩寶歷於堯階
奠餘九莖需雲皓宴始自嚴宸湛露洪恩普沾
寰海舉一十七年未舉之綱典逢數千百歲難
逢之令辰矧我名滿莫茲南服簪纓畢萃歌頌
載揚莫不瞻帝所於中天伸臣儀於北極某官

望隆八座治洽回明和通兩國之歡節旣其在
寵極一時之盛相印頒提來法從於琳宮星辰
粲若會嘉賓於綺席金玉鏘然觴舉流霞一一
華封之祝心馳魏闕人人天保之詩某等叨預
冷倫敢呈口號

帝眷炎圖億萬秋真人東籙御神州和通隣
壤邊聲息仁浹羣生協氣流一札鳳飛瓊苑
詔千官花擁醉鄉游江城今日騰嘉頌迭認
中天降闕浮

二 昌國

雷社分封均視子男之秩天光遠矚率依君父
之仁當景命有僕之辰伸萬壽無疆之祝式頌
宴喜庸錫臣鄰某官江左羨吾關中孝子他年
槐路足推一日之長今日琴堂聊闡隻昆之化
嘉與正笏垂紳之侶同為醉酒飽德之人列坐
賓朋同時僚佐半刺有全家之忠孝五湖高紹
祖之功名枳鷺棲鍾吳聲於滅竈監車引驥蘊
素節於伏蒲或種出山東才高吏部或羣空冀

北志並延陵或揜獎於隄防或嚴軍於刁斗更
有文星武宿莫非儀鳳祥麟觴舉流霞一一瑤
臺之集心存就日人人嵩岳之呼得不環羅綺
而動歡聲奏笙歌而聞麗曲某等叨居樂部濫
廁伶倫不揆荒蕪敢呈口號

邑近蓬萊萃列真曉看簪履望堯雲三呼請
祝聖人壽億載長為天下君荷柄飛香浮碧
華榴花照座舞紅裙更聽既醉昇平雅始信
宸恩浹海垠

天申節望闕祝聖致語

乾為父而坤稱母篤生堯舜之君岳修貢而川
効珍茂底成康之治屬流虹之紀瑞爰湛露以
頌恩凡在臣羣式沾宴喜恭惟皇帝陛下孝先
四海道協羣心得贊立太平之基復古振中興
之業帝乃誕敷文德既濟美夏之安天其中命
用休遂格神明之佑懽騰率土慶萃斯辰雖富
壽多男靡俟華封之祝而升常振上敢忘天保
之詩臣等幸際聖朝叨塵樂部願并誠葵藿採

輿頌於芻蕘不揆才荒敢呈口號
簪纓萬國拱堯雲遙認非烟霽帝閣始聰嵩
呼徧夷夏便知孝治感乾坤鳳飛一札蟠桃
晏花覆千官湛露恩歷數在躬無紀極垂裳
請頌有虞尊

二 庚午餘姚

虹流華渚適丁震風之期鳳出層霄爰錫邇遐
之晏沛高呼於率土祝椿筭於後天恭惟皇帝
陛下天覆堯仁日躋湯聖孝格毳罽卉裳之遠

恩覃草木昆虫之微遂底三登咸歸一德徵招
作相悅之樂騷動八絃天保歌端美之詩聲齊
萬壽但臣等謬居樂部章際聖朝不揆才荒敢
進口號

萬國星聯拱北辰曉看簪履拜堯雲三多首
祝聖人壽一統長為天下君樂奏廣庭聲縹
渺香騰寰海瑞氤氲太平今日非無象花覆
千官玉臉醺

上明良慶會閣牌致語

天開萬代之真主相得一代之宗臣風虎雲龍
自然交感水魚膝漆不約同符恭惟皇帝陛下
睿哲當陽忠賢作輔幸遇靡勞於獵卜相逢偶
在於儲潛行孔孟仁義之言聿新初政躬履虞
孝弟之道藹著兩宮帝德既彰皇心益眷雖邱
園之婦老亦簪履之弗遺故錫華名以標傑閣
翔鸞舞鳳褒嘉忽覩於宸毫塗碧填金摹刻更
從於御府改觀回明之風月增輝百葉之子孫
神靈彌人以護持香火敢忘於宗奉某等叨居

樂部獲觀榮光不揆才荒奏陳口號

綿上寶歷與天長興運重光屬我皇德洽化
隆起漢晉父慈子孝協虞唐三階順軌時方
泰萬國歸心道益昌一自臯陶賡載後于今
始得頌明良

叔父知縣慶宅并章服致語 癸亥

樂具回并萃珠履瑤簪之會壽祈五福捧瓊波
玉液之觴銀章維而里社榮畫棟成而燕雀賀
矧紅桃徑底流鶯轉求友之簧綠野堤邊飛絮

作舞空之雪集茲佳致用贊清懽恭惟某官學
海鯨鯢詞林鸞鷲妙齡秀發三魁領袖於賢關
清節藹聞八課楷模於仕路高門新峙表一時
斷獄之功治服初頒壯百里臨民之寄行飛旌
於日下即持橐於禁中而某人婦道蘭馨母儀
冰潔早擅肥家之譽齊當得意之秋歲一鳳雖
一夔足矣溫溫玉潤二妙香之率因琴瑟之和
鳴遂享衣冠之盛事珠簾鴛瓦頽還昔日之風
光象版霞冠共挹今辰之樽俎加以錦堂仙眷

綺席賢賓來玉母於西臺見老人於南極藍綬
初香蟾窟桂紫袍新剪魏家枝帽簷皆闥苑之
花蓮步盡葉官之侶得不祥凝鳳蠟瑞靄院金
環霧縠而動懽毅奏雲璈而聞麗曲某叨居樂
部幸對慶筵不揆荒蕪上呈口號

簪纓濟口珮鐙、競集華堂獻壽觴朱綬始
聞新命誥青氈俄覩舊門墻梁闈琴瑟毅俱
妙謝砌芝蓀氣倍香爛醉莫嫌歡未徹從今
三萬六千場

代人納壻親會致語

戊辰

太守風流雅有謝宣城之標韵仙郎俊邁隱然
李太白之才華爰當遴選之秋式契好逑之意
金龜印就南州既重諸賢侯孔雀屏開東榻又
得真佳壻一時咸會千里惟謠恭惟某官文海
鯨鯢士林楨幹回門曾魁羣彥一鷄先驚橫素
秋文筆花生縹緲仙人之夢詩囊佩錦雍容公
子之遊纔過壁水蘭官即是玉堂金馬既蘊潛
心之業宜膺坦腹之求某官江左儒宗山東相

種蚤擅賢閔之譽鬱為仕路之光自持橐於九
閭爰領麾於三郡朱轡耀彩起隨步之春風畫
戟凝香浮滿城之和氣行參鼎鼐迭和煙席乃
卜良宵式開皓晏會此冰清玉潤表其川泳雲
飛加以列席嘉賓星辰架若滿堂貴集金玉俯
然得不環羅綺而奉歡顏奏絃管而聞麗曲某
叨居樂部幸備伶官不揆荒蕪敢呈口號

人物宣城妙九州乘龍泉是屬清流相逢解
賦澄江練選勝都歸壺嶂樓畫戟林中銀漏

迥香梅影底玉杯浮洞房咫尺笙歌沸誰道
華胥祇夢遊

叔父監簿慶宅致語

己巳

殖之五畝專為養老之資處以一區止作草堂
之計歷觀今事度越前聞畫棟干雲挹回明之
嘉麗紅旌卷月浮三島之神仙掃荆棘瓦礫之
場成錦繡笙簧之地宜陳雅樂用副歡謠恭惟
某官節稟松筠志公冰玉彈冠入仕不汲口以
圖名問舍謀生耻收而為利上雖議拔中自

靜恬職為國子先生人道關西夫子某人鳧鶴
齊喻於耳順金蘭久著於心同既克肥家遂能
考室風簾霜瓦當年適困於狼烟翠幌朱楹茲
日復張於玳席得不嘉客萃滿堂之簪珥羣烟
藹盈砌之蘭芝潤同九里之洪河壽上一卮之
芳酒某叨居樂部幸綴伶倫不揆荒蕪無敢呈口
號

清曉簪裾碾畫輪更循玉砌擁蘭蓀定知廣
廈新遺址東向華堂上壽樽歌過錦雲殿縹

綉舞攢星蠟影翻
騰須拚卻如泥醉顛拜
行符駟馬門

餘姚待縣官致語

三年有成令尹既彰於茂績百里之內羣僚悉萃於清流爰愷悌以同心宜昇平而共樂式開雅宴用洽清歡恭惟知縣於道有聞與時无忤故既稱於父母仕必至於公卿方臻羣雉之馴共惜嗷鳧之去知丞人推直亮世襲忠嘉佗時迹適於鵝鴻今日瞻寒於雁鷺會下車之未久

已奠枕而無為庶茲宏博之材默衍權征之利監務職惟修舉學更優長早弊事紛若蠅與開利源速於泉湧主簿鳶棲棘木詩滿錦囊尙雖本於王孫名乃聯於高士縣尉官方泥滓志則雲霄卿陳宴俎之勤用表德星之聚休取歌妍舞妙所欣川泳雲飛霞液交酬玉山頻倒某叨居樂部幸預伶倫不揆才荒敢呈口號

浙右風烟屬舜亭幾年纔此羣羣莫棠敷美
蔭連天閣潮汎恩波徹底清醉吸霞光金盞

官笑扶花影玉山傾定知太史先百瑞天外
祥星一處明

餘姚待新宰致語

雷社分封恩視子男之貴崇陰展治政施父母
之仁漁樵始藹於歡謔冥佐且伸於宴喜恭惟
知縣詞林老匠桂籍真仙憲章明習如馬周絃
歌閑暇若言偃下車未久盈階已底於雉馴推
轂有期當路佇飛於鷄存暫屈浚儀之風雅將
期卓茂之功名知丞佐邑惟勤於丞不負凜凜

古諱臣之氣堂口真漢相之容滿席眉僚一時

賢德無毫髮敢奸于政事有胸襟可助於設施
共欣萍梗之飄浮得此風雲之際會得不歌環
皓齒舞轉纖腰停牙板以劇設舉金荷而滿飲
某叨居樂部幸預伶倫不揆才荒敢呈口號

清朝出宰是郎星牛刃恢口正發矧賓佐雍
容心盡赤杯盤酬對眼全青故平况是庭無
詒俗易還聞戶不扃贏得通宵恣歡讌看看

聯翻上朝廷

代新餘姚高宰燕交代致語

政績有成方喜及瓜之代交情未洽遽為折柳
之行宜觴豆以脩陳表金蘭之合契恭惟某官
美如曲逆行若太邱官遊豈為三徑資器局蓋
是萬夫望棠陰靜晝來龐登秋三年而歌有東
里子產之惠旧政必告得令尹子文之忠出祖
筵開去思情切畫橈東指聊攬勝於鄞江紫驛
星馳佇登瀛於魏闕某官文園杞梓仕路驂駟
繼為父母之官爰叙子孫之好第知卓魯邂逅

此時豈識臯夔翱翔異日得不霞觥汎喜牙板
板敲歡恣隈紅倚翠之遊寄卧轍攀轅之惡但
某叨居樂部幸綴伶倫不揆才荒敢呈口號

鬱葱光氣擁茲辰兩見姚江得主人振最已
聞歌滿道告新還喜政如神詞傳綺席鶯穀
滑酒吸紅波玉臉春休向陽闔惜分袂他年
接武侍嚴宸

代餘姚高宰燕侍郎以下致語

陽子之居晉鄙邑人薰而善良相如之會臨邛

坐客傾其閑雅一時引重千載流芳茲皓宴之
攸開與前賢而濟恭惟侍郎斐英文囿韞德賢
闕蚤由人望之隆自結主知之厚星軺攬嘗寶
殿持荷已成裕國之勲俄起請祠之典東山雖
好其如天下之蒼生北闕非遙行拜日邊之丹
詔判院時推儒雅世載忠嘉人物品流取驊騮
於冀北文章嚴價傳衣鉢於江西方欣風月以
平分遽擁烟霞而高卧佇看芝檢即待楓宸知
丞有道清氛汾陽華裔值二松於座砌龍聽吟

哦被一鷗於祿章行賞識拔知縣琴堂訟簡棠
蔭人稀飛碧甯河朔之鷗會紫禁琳宮之客莫
不坐環陰雪襟敬雄風舞翻弱柳之纖腰歌轉
編犀之皓齒但其等叨春樂部幸奉台願不揆
才荒敢呈口號

舜亭風化俗當年人物猶追元凱賢持橐有
功先計相題輿出治亦儒先相看尹貳俱冰
雪消得杯盤列管絃欲識他時風虎變疑丞
輔弱拱中天

餘姚縣燕貢士致語

三歲而與賢能雅重聖朝之舉十室而有忠信
鬱為吾邑之光宜陳觴豆之清歡用集慶衣冠
之盛集恭惟日舉某人月評望重風鑒才高久
淬礪於文鋒茲翱翔於上國新年某人共推能
學俱在妙齡或斐英於璧水清臺或馳譽於鄉
舉里選畫戟門中貴公子錦囊社裏賢王孫行
進鴈塔之諸儒同上龍門之三級某官政先儒
雅氣合賓僚式邀桂苑之羣仙來作琴堂之重

容光芒書劍相將紫府之遊雜還笙歌看取玉
山之倒某等叨居樂部幸對芳筵不揆才荒敢
呈口號

王京才子宴瑤池雪壓梅梢春盡時盡道舜
江登舜牧卻歸堯殿侍堯咨鵬搏看即掀雙
翼鯨飲何詳醉百卮好是嫦娥倚丹桂擬教
人折一枝枝

代新餘姚季宰燕交代致語

二賢接踵方敦篤於交情百里騰歌將流傳於

譽於賢閣旋登榮於桂籍妙齡求偶東床力拒
於權門列舍舍香南省遂揚於要職遭時隆盛
被寵蕃宣芝泥已具於金雀鴉鷺佇睽於玉筍
某官金蘭夙契冰雪交輝茲惟視印之初式啟
飛觴之會設揮犀塵共欣歲稔以時和醉倒王
山雅見情投而意合某叨居樂部幸預伶官不
揆才荒敢呈口號

清朝登用是儒宗尤喜桐川協氣濃畫戟林
中今長貳紅幕運裡首游從雲飛共慶情方

洽鯨飲何妨量又容且向山城足歡譖他年
接武亞夔龍

代寄春餞明守王侍郎致語

會亨道紹興
二十四年五

月除
兵侍

黃堂治最方騰東國之歡謠紫檢恩隆又指西
清之歸路忠存魏闕喜動江城惟三人受傾蓋
之知與千里共攀轅之志式開宴豆用洽交情
恭惟某官豈弟吏師典刑人望自斐英於法從
爰共理於侯藩汎茗水恩波擁鄮川之佳氣公

平聽斷攬回六邑之陽和灑落文章改觀十洲
之風月未幾振政指日敷綸既資彼沃之嘉謨
宜綴蕃宣之寵寄雖光榮衮服拜麻將繼於青
檀而蔽芾棠陰卧轍競留於紅旆某官誠頃三
益喜饒貳卿惟茲祖帳之開用表德星之聚對
歌妍而舞妙欣川泳以雲飛幸未語離且休惜
醉某叨居樂部獲奉台筵不揆荒蕪敢呈口號
芝封一札燕泥香祖帳雍容綺席張坐工共
知環鮑謝人間事欲借龔黃旌禮影裏傳金

華表綉光中拜玉皇化日回頭東海岸定應
遺愛滿甘棠

寄君為諸學職慶壽致語

年彌高而德彌邵雍容雅重於老成行益顯而
名益彰惇尚是繫於先達萃羣公而宴喜承故
事以流傳式當希有之年感介既多之祉某人
錦囊文傑絳帳經師雖淹庠序之藝監寔是鄉
閭之領袖未嫌雪髮共餐商嶺之芝將見蒲輪
並起渭濱之釣某官誠存貴老志在移風昔為

同隊之魚今作還家之雀爰開雅會用慶遐年
歌道行雲盡是騷壇之珠玉諛欺霏屑莫非仙
里之衣冠况皆鯨吸於百川何惜山顏於四座
某叨看樂部獲奉名筵不揆荒蕪敢呈口號
朝來太史上宸廷為說東鄆集壽星已把湖
山供笑樂更催歌舞看娉婷藍田有玉應十
歲章室專門祇六經接武定應成福祿介眉
何惜醉修齡

鄮峯真隱漫錄卷第三十七終

鄮峯真隱漫錄卷第三十八

致語

寄居為諸鄉老慶壽致語

就吳舍人宅

年彌高而德彌邵吾鄉推重於耆儒少者懷而
老者安此道益敦於先達爰啟紫微之三徑共
邀黃髮之羣仙樂宴一開歌謔四起恭惟某官
其人楓宸獻對芹穎蜚聲曳蘭珮於禮義之途
采芝茹於修潔之圃日月為之緩轡松椿且爾
長齡肩隨多絳縣之人袂屬皆渭川之老當年

竹馬何殊同隊之魚異日蒲輪將效來儀之鳳
嘉此一時之盛允為百世之傳合席朝簪滿門
儒服謂希有者人之齒喜見諸公而難得者俗
之淳樂為是禮豈獨壽鄉之故事抑亦見仁里
之高風鵬舉流霞秩芳筵於百拜詞翻白雪度
麗曲於千秋既此肯來且休惜醉某等叨居樂
部幸奉壽筵不揆荒蕪敢呈口號

海宇熙々壽域中耆儒最感雨勺東共開樽
俎為高會尤喜鄉閭有義風九老未應多白

傳四明何止一黃公行看聯壁安車上盡是

當筵鶴髮翁

四明尊老會致語

癸巳趙伯圭以顯謨閣
學士知明州同郡以邑

七十歲
以上

焚煌玳席萃鶴髮之羣仙縹緲獸煙祝龜靈之
千歲懿茲雅宴宜有懽謔恭惟合郡耆英滿筵
碩望或縉紳賢君子或場屋老先生學成行尊
則周公其人也年高德邵是孔氏之徒歟緩乘
豹隱之安車來作龍門之重客開府相公榮歸

故里相娛少效於二疏判府閣學治最此邦歌
老尤高於九牧喜是賓朋之集共推德齒之尊
觴舉流霞循上松椿之壽舞翻迴雪克諧綠竹
之音千古美談一時盛事但其等叨居樂部忝
屬伶倫不揆荒蕪敢呈口號

東閣初開瑞藹凝曉催簪履慶修齡風回秀
髮扶疎綠喜入方瞳的皪青紗帽着花春不
老玉杯浮雪酒微醒今朝太史占鄧鄧無限
文星作壽星

又象山昌國

居近蓬壺雖有涉海登陸之異地均梓里初無
此疆爾界之殊矧邀鶴髮之羣仙以介龜齡之
千歲且開宴席用洽歡謔恭惟闔邑英游滿筵
耆後天隨甫里名高翰墨之場安期羨門身造
煙霞之倡述惟豹隱漱隔鯨波杖屨來歟掛席
無煩於浪舶笙歌作矣連裾悉上於琴堂開府
相公慶是高年為會以相娛樂知縣朝議成其
雅忠開懷而盡春容千里同風一時盛集酒行

北海莫非文舉之樽壘花滿河陽本是安仁之
桃李但某等叨居樂部幸備伶倫不揆荒蕪敢
呈口號

山在虛無縹緲間相望同是一鄉關欲尊德
齒成高會故遣樽壘悅壽顏歌罷青絲回雪
髮舞餘文錦繞雲鬢先生沆瀣嘉賓醉貴老
行看一札頒

諸親慶賜第復會致語

輪奐承恩未返柳陰之三徑桑蓬誕日幸來梓

里之羣仙舟車遠達於帝城尊俎先勤於主禮
慶今賜第萃此英游爰開酬酢之筵用款團藥
之集恭惟填筵伯季冠蓋賓朋飄飄閭苑之麗
人藹、皇家之吉士作福既云相似叙情尤覺
多歡上國觀光已覩龍顏之穆、良辰聚首更
歌燕厦之潭、厚意所將澆風可變北關真隱
東道主人念間閭之屢年思游從之舊日適諧
情話頓釋離懷茲也花擎鳳蠟以熒煌獸吐龍
涎而馥郁聊具瓊漿玉液盡邀珠履玳簪既幸

回并何辭一醉人物况昏灑落畫圖真可流傳
某等身處聖朝名忝樂部輒陳斐語用洽懽聲
鶴髮星二退急流昔年兩作鳳池游掛冠未
許田間去錫第還為帝所留賸喜親朋千里
集聊將歌舞一觥酬莫辭醉席梅花地嘉話
歸傳古鄖州

諸親慶彌正彌遠及具叔懷恩命復會致

語

金爐縹緲噴檀烟玳席熒煌開錦幄惟是賓朋

昆玉來陳燕豆壺觴式昭厚意之殷勤且展初
筵之酬酢恭惟一時俊彥滿座耆英萃世間圭
璧之姿作相闕星辰之眷彈冠仕版已馳驥步
於雲衢射策文場行折桂枝於月窟曲敦烟契
舉慶鵬東道諸賢從宅相或榮登于星省或新
拜於綸恩聊洽清歡仰彰先施某等叨居樂部
幸對寵光不揆荒蕪敢呈醜敬

都城賜第起祥雲知是君王貴老人羅綺叢
中喧鼓吹樓臺影裏聚簪紳瞻添風月非錢

買贏得樽壘到手頻他日華堂重此會主賓
朱紫耀青春

復明守謝直閣會致語

師稷務本淳熙八年回月到任

袴襦歌洽方欣治最於黃堂袞綉光濃適慶榮
還於綠野主賓相得燕樂諧歡恭惟判府某官
康樂風流東山經濟清約足以勵風俗公忠久
此服縉紳許國同出生知愛民尤資天性使輅
屢擁七閩高澄按之功郡綏再紆三輔播循良
之譽行膺芝檢即遙荀班少師風以金蘭式依

桑梓念平生之從官方返故鄉喜交舊之相逢
乃開雅燕舞翻回雪歌轉流鶯既金羊之屢傳
宜玉山之頻倒某等叨居樂部幸際芳筵不於
荒蕪敢呈口號

鄮水鄞江喜氣浮祇應共理得賢侯千帆過
海欣無警九鼓登塲慶有秋聖王正思黃霸
入仙翁方伴赤松遊一杯相遇何妨醉春在
西湖月在樓

待魏丞相汪尚書趙侍郎致語

一曲烟波逸老歸榮於故隱回筵簪履德星聚
宴於高堂方幸息肩宜先會友恭惟丞相清朝
碩輔間世耆英措坏治於一陶活生靈於兩國
已淹間適當再登庸尚書忠許一人身兼數器
久鬱經綸之業行施康濟之功侍郎紫索論思
朱幡愷悌深結聖神之眷宜膺公輔之榮少師
鶴返遼東珠還合浦喜吾鄉里燕樂嘉賓迄今
宵鯨飲之懽道昔日雞窓之舊某等欣逢盛集
幸與侪倫不揆荒蕪敢呈口號

燕集西湖錦綉圍花迎晴曉露方晞把杯且
共尋前約握手何須悟昨非已喜一翁歸綠
野更看三傑上黃扉雲臺指日標鴻烈應許
巖陵老釣磯

錢明守謝殿撰赴召致語

師稷淳熙八年
四月到任九年

十月
赴召

釋星傳之綉衣來飛皂蓋拜絳車之芝檢笑指
彤墀式陳祖帳之懽用表攀轅之意恭惟判府
某官閩南挺特江左風流夙資康濟之才久勵

清高之節數道咸高於刺舉確藩屢布於中和
千里仁聲籠譙門之畫角萬家美蔭敷白晝之
甘棠方懷借寇之思忽聽召黃之命屢氓結惡
國士知崇少師歸憇陶居改蓮邵父歲適周於
灰墮情已洽於金蘭茲居啟行良深惜別羽觴
交錯樂鐘鼓之清時錦舸光華指雲霄之去路
但某等叨居樂部偶過離筵不揆荒蕪敢呈口
號

玉砌芝蘭慶有餘藹然英譽走雲街澄清攬

轡多持節愷悌宜民屢剖符聖主出綸催上
道邦人卧轍蔽行途一庖聽取臨歧語賸吐
精忠作帝謨

待明子楊少卿致語

辨正伯淳熙九
年十一月到任

紅旆碧幢方喜元侯之疾止赤松綠野適當逸
老之歸歟觀光既久於朝班叙舊且關於宴席
恭惟判府某官愛人以德激貪以清學優思踵
於閩西名盛耻居於王後昔藩昭武籠聞畫角
之仁聲今涖鄞川復廣甘棠之美蔭已聯維月

行遂持荷少師早賦歸田為氓受地始就松筠
之三徑聊同風月之一觴文字劇設笙歌間奏
某等叨居樂部幸際芳筵不揆荒蕪敢呈口號
鄭城郁二藹祥烟何幸分符得大賢敬利士
知廉律已救荒民得食為天仁風行見周千
里雅俗俱欣受一屢正恐最聞須召入介眉
今日且樽前

復明守楊少卿會致語

恭惟知鎮冀北駿材山東相種早擅克家之譽

茲膺坦腹之求將躡要津以據素學教授文推
雅健志蘊經綸已看丹桂之敷榮更陟巍科之
宏博式因賓相獲遂春容致政太保得請休聞
屬情婚嫁雖卧疴於里閨猶盡禮於賓親懿嘉
耦之並逢肆芳筵而共樂迭奏柳腰鶯舌競傳
玉笋瓊杯既幸團藥何辭醕酌某等叨居樂部
喜遇良辰不揆荒蕪敢呈口號

春入西湖繞岸花十洲三島倍芳華桃夭來
自神明胄玉潤生從宰輔家男室得時諧鳳

侶孫枝有客汎星槎盍簪此日成高會盛事
他年梓里誇

復趙梓會致語

師尚

金枝秀發方託契於葭莩玳席笑煌荷特携於
樽俎既所室家之慶更增里閭之光用秩芳筵
以酬厚意恭惟判府梁園祀梓謝砌芝蘭暫淹
驥足於吳門平分風月行侍龍顏於魏闕擺落
囂塵不嫌鯨浪之修途虔奉鯉庭之慈訓爰將
女弟克佐仙郎而况兩院魚軒同詳葢館風明

姆教來締姻聯懿風義之相交致歡娛之周洽
致政太保倦游朝著退隱鄉閭尋勝事於家山
日思屏迹慕高標於閎闕已遂攀麟嘉賓既展
於恩勤東道宜輸於款密式歌且舞賞景物之
長春不醉無歸喜光陰之難老某等叨居樂部
幸預良時不揆荒蕪敢呈口號

寶緒光華是似賢遠移仙馭締姻聯高情已
篤金蘭契感禮還開錦綉筵小奉杯盤圖報
答賸陳紈竹且留連細看回座神仙客始信

西湖即洞天

納孫婦錢氏親會致語

定之

芳傳吳越夙欽忠孝之家境接台明思締婚姻
之好幸金蘭之託契宜羅薦之相依雅宴斯開
驩謔是洽恭惟推官系隆將相學富詩書暫參
幕府之紅蓮行擁禁途之紫橐雙鸞並駕所欣
夫唱而婦隨淑女有行式副冰清而玉潤致政
太保晚歸綠野深慕赤松眷子舍之皆賢喜孫
枝之得偶既荷高軒之過聊茲綺席之張歌道

行雲縹渺未饒於鶯舌舞翻回雪輕盈不羨於
柳腰莫辭醮頰之瓊腴請緩出花之銀漏某等
叨居樂部偶際良辰不揆荒蕪敢呈口號

夾路紅榴取次芳三槐嫩綠影交相解裝初
憇簪纓客肆席爰開袞綉堂西子惟車騰懿
德東床擇壻得仙郎一卮何止千秋祝更佇

鳴騶下帝鄉

待明守趙殿撰致語

師夔汝一淳熙十
一年十月到任

門巷清閑方侶十洲之猿鶴旌麾赫奕忽來千

騎之蹤跡矧託襟期復聯袂好且宏開於燕席
用大治於離謠恭惟判府某官璇樞鍾靈銀潢
擢秀早擅出羣之譽雅推是似之賢三擁使輅
兩紆郡綬鯉庭詩禮熟聞慈訓之餘音竹馬兒
童又收嚴君之舊治爰益敷於善化祈仰繼於
前茅畫角譙門仁聲千里甘棠喬木美蔭萬家
既平瀚海之狂瀾行作玉皇之近侍致政太保
松筠三徑觴詠一邱豈期遲暮以受廬乃獲安
怡而擊壤相逢今夕不醉何時某等叨預伶倫

幸供樂事輒陳俚語上侑歌聲

潭：大府坐真王有子于今擁碧幢羽扇仁
風揮雪水熊轡和氣滿鄞江舞翻回雪隨清
吹歌過行雲度美脰玉笋莫辭良夜飲佇看
聚耀慶吾邦

壻王肅之就成親會致語

王肅字肅之王
丞相准末子金

人

銀鏤翠瑄方承臘賜于九霄繡幕羅帷息諳春
風於四座爰擁洞房之花燭式邀潭府之神仙

宜有騷謠上資雅宴恭惟直閣小東相種江右
名家黃閣過庭夙推高於是似縞衣流詠行擅
美於並為乃携華棣之賢來作乘龍之客學士
蘭陔挺秀壓水冀英德日又新久著服膺之譽
卜云其吉遂諧坦腹之求佇聆琴瑟之和鳴永
慶鸞鳳之偕老致政太保眷容桑梓蕭散林泉
眷言玉女之歸果得金閨之彥既成嘉偶斯秩
芳筵莫詳醉掌頻行且聽笙歌競奏某等叨居
樂部幸遇良辰不揆荒蕪敢呈口號

太宰岩々正拱辰笑着雙鳳東津蘭馨愛弟
為佳壻玉立難无處上賓火毓鵲爐香藹々
月穿梅影酒鄰々主人賸喜機雲集唯祝聯
鑰侍紫宸

待王十六監岳致語

青旂風軟綉屏陡覺寒輕綠野泉香玉甕更聽
酒熟爰伸樂豈以叙情親茲重客之俯臨須長
謠之上贊恭惟直閣高材烏卷藹譽白眉詞章
已紹於箕裘事業可傳於衣鉢克寫友于之義

來盟宴爾之歡乃因簪組之相逢亟奉豆觴之
光饋致政太保幸從閒適喜締姻聯既承厚意
之臨斯秩芳筵之振舞翻回雪歌過行雲莫詳
卜夜之游且治忘年之好某等叨居樂部幸遇
良辰不揆荒蕪敢呈口號

東皇旌旆到人寰漏泄春工露一斑已向江
村訪梅萼卻來燈市賞鼇山主賓冰玉歡無
盡伯季墳荒與不慳欲識魯公須拜後微黃
一點見眉間

代彌堅就趙府作會致語

香濃粧閣温、已綻於官梅瑞藹煙堤濯、初
看於官柳率是東君之陶冶宜開北海之樽壘
爰有歡謠用資高會恭惟少保郡王天潢巨浸
學圃喬林文筆生葩縹緲翰林之樓詩囊佩錦
雍容長吉之游自持橐以分符迄建旄而昨上
力行謙德簡在宸衷佇頌睿命之頒即慶真王
之拜已藹門闈之喜色更欣琴瑟之和鳴華席
團藥慈顏悅懌當此良辰淑景集茲重客嘉賓

恭惟闔座簪纓滿朝朱紫或澄清而攬轡成愷
悌而開藩凡生珠玉之淵悉是星辰之眷來臨
燕豈共樂清寧茲也支監飽趨庭詩禮之聞藉
親聞金蘭之契坦腹既逢於知己齊眉將底於
宜家羅綺叢中笙歌聲裏舞翔鳶之六翮介春
酒之一卮幸適雅懷莫辭沉醉某等叨居樂部
獲隸伶倫不揆荒蕪敢呈口號

魏 潭府真坐王中有神仙聚畫堂玉潤聯
姻韻琴瑟水清初喜見鸞凰扶輿和氣春風

笙歌沸馥郁春風錦綉光他日諸孫成宅相
頌頤休羨郭汾陽

諸親慶壽致語

松椿林裏喬木成陰冥翼纏中老人聚耀可謂
作福相似皆由善氣所薰燕喜初開歡謔斯洽
恭惟判府某官天潢毓瑞台鼎蟠基兩擁星輶
備著澄清之譽三分符竹大揚愷悌之風遂令
託契之葭莩皆侶修齡之龜鶴穎川太宜人慈
容淑德華髮秀眉已登耄耄之春秋將祈期頤

之算數致政太傅晝遊衮綉日威簪纓適當非
熊應卜之時復屆維岳降神之旦知府監簿知
府安人鴛鴦偕老暢琴瑟以和鳴百九學士百
十通判鴈序聯芳藹芝蘭而耐久以至宣城大
孺清河祕書外黨懿親吾鄉美行共此難逢之
集俱過希有之年莫不吸沆瀣之仙醪賞芙蓉
之秋色笙歌雜還羅綺綵合四座以團藥沸
干春而祝頌某等叨居樂部幸對華筵不揆荒
蕪敢呈口號

鬱葱佳氣擁叢霄又見端門遣使輶觴豆兼
金真璀璨茗香贍馥更飄飄雙旌容與留千
騎三族耆龐聚一朝正是瑤池八仙會介眉
何必羨松喬

知府德翁
通判仁翁

學士持翁



